

Broj: T04 0 KT 0058949 24
Zenica, 11.10.2024. godine

OPĆINSKI SUD VISOKO
-Sudiji za prethodno saslušanje-

VISOKO

Na osnovu člana 45. stav 2. tačka i) i člana 241. stav 1. Zakona o krivičnom postupku F
BiH, p o d i ž e m

O P T U Ž N I C U

Protiv:

F. E., osuđivan po presudi Općinskog suda u Visokom, zbog krivičnog djela iz člana 173. stav 1. KZ F BiH, gdje mu je izrečena uvjetna presuda sa utvrđenom kaznom zatvora u trajanju od 3 mjeseca, rok provjere jedna godina, i po presudi Kantonalnog suda u Zenici, zbog krivičnog djela iz člana 289. stav 2. u vezi stava 1. KZ F BiH, na kaznu zatvora u trajanju od jedne godine i šest mjeseci, i presudom Općinskog suda u Visokom za krivično djelo 222. stav 2. u vezi stava 1. KZ F BiH, na kaznu zatvora u trajanju od dva mjeseca,

što je:

Dana 03.06.2024. godine, oko 13,30 sati, na području grada Visoko, u ulici K..., u prostorijama firme „T...“, grubo vrijeđao i vršio nasilje prema O. M. i O. N., svjestan svojih radnji i znajući da su takve njegove radnje zakonom zabranjene, što je i htio, na način da se obratio O.M., sav bijesan povišenog tona, galamio i prijetio da će ih sve pobiti, da će pokazati ko je i šta je, bacio laptop sa stola, zaobišao sto i prišao do M., unio joj se u lice sa agresivnim stavom, gledajući je u oči, rekavši: „Zato što si žensko sad te neću udariti, a inače bih te sastavio sa zemljom!“, a zatim je pljunuo u lice, podigao kancelarijski radni sto u zrak, prevrnuo ga i bacio, porušivši sve stvari sa stola, da bi B. A. otrčala i pozvala, njenog muža, O.N., i radnog kolegu Z. E., koji su došli, da bi F. E. opsovao majku O.N., prijeteći da će ga ubiti, da će ih sve pobiti, izrafalati, pokušavajući da udari N., te je istom zadao jedan udarac rukom u predjelu glave, pri čemu je u daljim napadima spriječen od strane Z. E., a kada su izašli iz firme napolje, dok je N. sjedio na klupi ispred firme, E. mu prišao i udario ga pesnicom u predjelu glave, a kada je krenuo u prostorije firme, E. je prema njemu bacio kantu od smeća, a zatim je N. nazvao policiju, čime je ovakvim radnjama ugrozio građanski mir i njihovu sigurnost,

čime je učinio krivično djelo Nasilničko ponašanje iz člana 362. stav 1. KZ F BiH.